



Zbog zločina na Vozući **uhapšen** nekadašnji komandant Trećeg korpusa Armije RBiH

# MAHMULJIN znao za stravična djela odreda "El Mudžahedin"!

Mahmuljina sumnjiče za zločine počinjene u periodu od jula do oktobra 1995. godine

Uroš VUKIC

SARAJEVO, BANJALU-KA - Tužilaštvo BiH zbog ratnih zločina koje su na području Vozuće počinili pripadnici odreda "El Mudžahedin" juče je uhapsilo Sakiba Mahmuljina, nekadašnjeg komandanta Trećeg korpusa Armije RBiH.

Mahmuljina sumnjiče za zločine počinjene u periodu od jula do oktobra 1995. godine, kada su pripadnici odreda "El Mudžahedin" ubili oko 50 ratnih zarobljenika srpske nacionalnosti. Takođe, sumnjiče ga i za nečovječno postupanje prema oko 20 ratnih zarobljenika i civila koje su pripadnici Trećeg korpusa Armije RBiH, u skladu sa dogovorima, odbili predati Vojnoj policiji.

"Tereti se da je propustio spriječiti počinjenje ovih krivičnih djela ratnog zločina protiv ratnih zarobljenika i civila od strane pripadnika 'El Mudžahedin', te je propustio da ih kazni nakon počinjenog zločina", rekli su juče u Tužilaštvu BiH.

O zločinima odreda "El Mudžahedin" nad stanovništvom oko Vozuće i vojnicima Vojske RS manje-više sve je poznato. Već godinama se priča o njihovoj okrutnosti, a brojna svjedočenja i dokazi, uključujući i slike sa odsječenim srpskim glavama, javnost u BiH već je imala priliku da vidi. Obimnu dokumentaciju o njihovim djelima Tužilaštvu BiH dostavio je Haški tribunal, ali i Mirsad Kebo, bivši potpredsjednik FBiH, koji je prije otprilike godinu dana na odgovornost pozvao upravo Mahmuljina, ali i Šefika Džaferovića, aktuelnog zamjenika predsjedavajućeg

## ZLOČINI POČINJENI U PERIODU OD JULA DO OKTOBRA 1995. GODINE

- Pripadnici odreda "El Mudžahedin" ubili oko 50 ratnih zarobljenika srpske nacionalnosti
- Mahmuljina sumnjiče i za nečovječno postupanje prema oko 20 ratnih zarobljenika i civila
- Odred "El Mudžahedin" bio smješten na području Kamenice, kod Zavidovića

Predstavničkog doma parlamenta BiH, naglašavajući da su njih dvojica znali za sva nedjela odreda "El Mudžahedin".

Kao što se i očekivalo, hapšenje Mahmuljina izazvalo je različite reakcije u Bosni i Hercegovini. Dok s jedne strane Bošnjaci negoduju, predstavnici Srba se nadaju da se počelo nešto konkretnije raditi kako bi bili procesuirani odgovorni za zločine nad Srbima.

Milomir Savčić, predsjednik Boračke organizacije Republike Srpske, hapšenje Mahmuljina označio je kao početak ostvarivanja pravde i tretiranje svih odgovornih za ratne zločine na isti način. Kako je rekao, očekuje da hapšenje ne bude samo farsa i da za nekoliko dana ne bude pušten na slobodu.

"Konačno da neko sa nivoa operativne odgovornosti tako-zvane Armije RBiH dolazi na početak procesa, koji bi mogao da odgovori na mnoga pitanja", rekao je Savčić, dodajući da će se sada pokazati objektivnost Suda BiH.

Za razliku od Savčića, Atif Dudaković, bivši general Armije RBiH, iznenađen je hapšenjem Mahmuljina, posebno naglašavajući da se radi o časnom oficiru koji bi se uvijek odazvao pozivu pravosuđa te da nije za-

služio da ga pripadnici SIPA hapse sa fantomkama na glavi.

"Poznato je da Mahmuljin, niti drugi oficiri Armije RBiH, nikada nije bjezao od bh. pravosuđa. Zar mu se nije mogao poslati poziv pa da kao čovjek dođe na saslušanje, da iskaz, a onda postupak neka ide svojim tokom", rekao je Dudaković, dodajući da smatra da je hapšenje Mahmuljina nastavak kampanje iz RS te da odgovornost leži i na bošnjačkim "političkim avanturistima", misleći prije svih na Kebu.

U odbranu Mahmuljina juče je stala i najveća bošnjačka stranka SDA, saopštavajući da su opredijeljeni za procesuiranje svih ratnih zločina, ali da se ne mogu oteti utisku da je Tužilaštvo BiH podleglo neprimjerenim političkim pritiscima. U ovoj stranci naglašavaju da su i ranije prilikom hapšenja "uglednih" komandanata upozoravali na to, misleći na Sefera Halilovića, Naseru Orića i druge, koji su kasnije oslobođeni.

"Broj zločina počinjenih od strane snaga koje su izvršile agresiju na BiH neuporedivo je veći od broja zločina počinjenih od strane pojedinaca u redovima Armije RBiH, te je stoga neprihvatljivo stvaranje vještačkih balansa u broju pokrenutih krivičnih postupaka", saopšteno je iz SDA.

Milorad Kojić, direktor Republičkog centra za istraživanje rata, ratnih zločina i traženje nes-

talih civila, rekao je da će porođice ubijenih u potpunosti biti zadovoljene tek kada se Mahmuljin nade na optuženičkoj klupi, a nakon toga i iza rešetaka.

## Oteli zarobljenike

Odred "El Mudžahedin" bio je smješten na području Kamenice, kod Zavidovića. Prema presudi Rasimu Deliću, kojeg je Tribunal u Hagu osudio na tri godine zatvora, pripadnici odreda "El Mudžahedin" zarobili su oko 60 vojnika Srba, uključujući i tri žene. Zarobljenicima je bilo naredeno da u koloni pješke krenu prema naselju Kesten, a tom prilikom ubijena su dva zarobljenika, Milenko Stanić i Živko Todorović. U jednom trenutku 20 naoružanih mudžahedina, prijeteci oružjem, otelo je zarobljenike i odvelo ih do logora Kamenica, gdje su do kraja decembra svi ubijeni. Torturu u Kamenici preživjelo je samo 11 zarobljenika, koji su kasnije o svemu svjedočili.

## OBIMNU DOKUMENTACIJU I DOKAZE JAVNOST VEĆ IMALA PRILIKU DA VIDI



Mirsad Kebo prije otprilike godinu dana na odgovornost pozvao upravo Mahmuljina



O zločinima odreda "El Mudžahedin" nad stanovništvom oko Vozuće i vojnicima Vojske RS manje-više sve je poznato

RAZLIČITE REAKCIJE U RS I FBiH

